



INFORMACIJA O PROVEDENIM AKTIVNOSTIMA I PRELIMINARNOJ ŠTETI TOKOM ELEMENTARNE NEPOGODE 13/14.05.2019. GODINE

Početak maja tekuće godine zvanični mediji su najavljivali stvaranje vremenskih uvjeta od 12.05.2019. godine koje će pratiti velike količine oborinskih padavina. Informacije su bile zasnovane na vremenskim prognozama zvaničnih svjetskih meteoroloških kompanija.

Naglasak je bio na središnju i sjevero-zapadnu Bosnu šta se i desilo, konkretno na području općine Maglaj 13.05.2019. u poslijepodnevnom satima.

Obzirom da nismo smjeli dozvoliti scenario iz 2014. godine kada je sistem u potpunosti zakazao i prouzrokovao dodatne štete na pokretnoj i nepokretnoj imovini Načelnik Općine Mirsad Mahmutagić kao komandant Općinskog štaba civilne zaštite je sazvaio vanrednu sjednicu Štaba koja je održana 11.05.2019. godine sa slijedećim dnevnim redom:

1. Analiza stanja i pripravnosti za najavljene obilne padavine
2. Razno

U okviru prve tačke razmatrano je stanje spremnosti za situaciju elementarne nepogode Službe civilne zaštite, Komunalnog javnog preduzeća, Doma zdravlja, Policijske stanice Maglaj, Centra za socijalni rad, Crvenog krsta i dr.

Nakon analize stanja ljudstva i mehanizacije, spremnosti dovoljnog broja vreća sa pijeskom za zaštitu na otvorima zida na obaloutvrđi, stanja opreme u PVJ, stanja zaliha pitke vode, hitnim mjerama koje treba provesti i sl. doneseni su slijedeći zaključci:

- Pratiti stanje na terenu u periodu od 12. do 16.05. 2019.godine i biti u stanju pripravnosti, uvesti dežurstva zbog obilnih padavina koje mogu prouzročiti poplave,
- Obići mostove uz Jablanicu, Liješnicu, Bočinju, Bisticu i očistiti otpad da se omogući protok vode,
- Putem RTV Maglaj, a u koordinaciji sa Općinskim štabom CZ obavještavati građane općine Maglaj o stanju na terenu u slučaju ekscesnih situacija,
- Objaviti vodič za građane kako se ponašati prije, u toku i poslije eventualnih poplava, dostaviti ga u značajnije institucije, sredstva informisanja i objeviti na web stranici Općine.

Vremenska najava se praktično i obistinila za područje općine Maglaj i izuzetno jake padavine su započele 13.05.2019. godine u poslijepodnevnom satima. Zbog stanja na terenu su svi uposlenici Službe civilne zaštite (uključujući PVJ) već od 17 sati angažovani kako bi pokrili kompletan teren.

Nažalost intenzitet padavina je prouzrokovao nagli porast vodostaja svih rijeka i potoka na Novošeherskom području zbog čega je rijeka Liješnica u vrlo kratkom periodu dosegla izuzetno visok nivo i prouzrokovala ogromne štete na cijelom području sliva. Iako su štete uzvodno nastale u svim mjestima Kopice, Čobe, Novi Šeher najveći broj poplavljenih objekata je bio na području MZ Liješnica. Zahvaćeno područje ovom prirodnom nesrećom je cca 7000 ha. Na svu sreću nije bilo sgradalnih niti povrijeđenih lica.

Štete su nastale na stambenim i pomoćnim objektima, na infrastrukturnim objektima, privrednim objektima i poljoprivrednoj infrastrukturi. Pored poplavljenih područja pojavila su se i nova i aktivirala neka stara klizišta što će biti prezentirano u konačnom izvještaju o nastalim štetama koji će biti ponuđen Općinskom vijeću na usvajanje.

Ukupna preliminarna procijenjena šteta od 13.05.2019. godine na stambenim, pomoćnim i privrednim objektima (njih 138) iznosi 1.910.000,00 KM. Oštećeno je 83 stambena objekta sa isto toliko porodica koje broje ukupno 175 članova. Šteta na stambenim objektima je 1.700.000,00 KM, na pomoćnim objektima je šteta 55.000,00 KM, na poslovnim 95.000,00 KM i na Javnim ustanovama 60.000,00 KM. Navedene štete se odnose na građevinski aspekt objekata.

Ukupna preliminarna šteta nastala na poljoprivredi iznosi 203.000,00 KM.

Na 17 putnih pravaca u općini Maglaj na 76,40 km puteva pričinjena je šteta u iznosu od 1.100.000,00 KM, svi putni pravci su u razumnom vremenskom periodu osposobljeni za saobraćaj.

Napominjemo da je ukupna šteta na privrednim subjektima (oprema, roba, repromaterijal) bila 420.000,00 KM.

Prema naprijed navedenom ukupna preliminarna šteta od poplava iznosi 3.260.000,00. Stvarni iznos šteta će biti utvrđen nakon konačne procjene i moguće je da odstupa od prikazanog iznosa.

Obzirom na stanje na terenu Načelnik Općine je uveče 13.05.2019. godine proglasio stanje prirodne nesreće a što je naredno jutro potvrdio i Općinski štab civilne zaštite. Tokom noći i narednog dana date su precizne informacije u sredstva informisanja (BHT, FTV, Maglajska televizija, Antena radio, ZOS, Radio Stari grad). Za pohvaliti je angažman lokalne Maglajske televizije koja je u kontinuitetu izvještavala građane o stanju na terenu.

Noć sa 13. na 14.05. je bila posebno teška zbog vremenskih uvjeta koji su vladali ali i smanjene vidljivosti. Tokom noći pripadnici PVJ su vršili i evakuaciju 5 porodica sa ukupno 10 članova koji su ostali zarobljeni u objektima koji su poplavljeni iako su uvjeti zbog jake struje vode i loše vidljivosti bili opasni i po samu posadu. Istovremeno su praćeni nivoi ostalih pritoka rijeke Bosne kao i nivo same rijeke Bosne. Na svu sreću ostale pritoke nisu izazvale razorna dejstva većih posljedica. Nivo rijeke Bosne je bio u stalnom porastu do poslijepoćići kada je zabilježen najviši nivo od 510 cm i protok preko 1200 m³/s. U ranim jutarnjim satima je nivo počeo opadati i ujutro 14.05. je bio oko 380 cm.

Ujutro 14.05.2019. godine održana je druga vanredna sjednica Općinskog štaba civilne zaštite na kojem je razmatrana aktuelna situacija u vezi novonastale situacije na terenu pri čemu su donešeni slijedeći zaključci:

1. Općinski štab civilne zaštite Maglaj je predložio/prihvatio proglašenje stanje prirodne nesreće na području MZ Kopice, Čobe, Domislica, Novi Šeher, Liješnica, Ulišnjak, Donji Rakovac i Kosova.
2. Služba CZ se zadužuje za organizaciju procesa prijave oštećenih lica za procjenu preliminarne štete na područjima zahvaćenim elementarnim nepogodama.
3. Načelnik Općine je ovlašten da formira Stručne komisije za procjenu šteta na terenu na stambenim i pomoćnim objektima, privrednim subjektima, infrastrukturnim objektima i na poljoprivrednoj infrastrukturi.

Po preporuci Štaba ali u skladu sa zakonskim obavezama Načelnik Općine je formirao 5 komisija za procjenu nastalih šteta i to:

Centralnu općinsku komisiju za procjenu šteta u sastavu:

1. Senada Alibajraktarević – predsjednik
2. Fuad Hajrukahović – član
3. Anto Maglica – član
4. Zijad Džaferović – član
5. Enisa Hatičić – član
6. Satka Huskić – član

i četiri stručne komisije kako slijedi:

I. Komisija za procjenu šteta na stambenim i pomoćnim objektima izazvanih poplavom i klizištima u sastavu:

1. Anto Maglica – predsjednik
2. Jasmina Alić – član
3. Meliha Šahbaz – član
4. Faris Habibović – član
5. Snježana Dakić – član

II. Komisija za procjenu šteta na privrednim objektima u sastavu:

1. Ferhat Bradarić – predsjednik
2. Omar Fazlić – član
3. Nenad Kršić – član

III. Komisija za procjenu šteta na infrastrukturnim objektima u sastavu:

1. Fuad Hajrulahović – predsjednik
2. Zijad Džaferović – član
3. Enisa Hatičić – član

IV. Komisija za procjenu šteta na poljoprivrednoj infrastrukturi u sastavu:

1. Satka Huskić – predsjednik
2. Daina Bešić – član
3. Merima Hodžić – član

Komisije su sumirale i dostavile preliminarni izvještaj o pričinjenim štetama a konačan izvještaj će biti u zakonskoj formi i roku ponuđen Općinskom vijeću na usvajanje.

Isti dan 14.05.2019. godine po povlačenju rijeke Liješnice u korito građani su počeli sa čišćenjem svojih objekata pri čemu je na odvozu smeća angažovano KJD Maglaj. Članovi Crvenog krsta su simbolično pomogli sa opremom i pitkom vodom. Općina je angažovala mehanizaciju na raščišćavanju putnih komunikacija i sanaciji istih.

Dana 17.05.2019. godine stradala područja je posjetila i delegacija Vlade ZDK premijer Mirza Ganić i ministri Arnel Isak, Fahrudin Čolaković i Mirnes Bašić, pri čemu su pružili moralnu podršku stradalima u elementarnoj nepogodi.

U narednom periodu je potrebno izvršiti sanaciju oštećenih objekata. Općina Maglaj je odmah započela sanaciju iz sredstava namjenjenih za zaštitu i spašavanje u punom raspoloživom kapacitetu. Očekujemo da će u narednom periodu viši nivoi vlasti opredjeliti sredstva za sanaciju nastalih šteta s obzirom da općine koje su stradale u tom periodu sigurno ne mogu svojim budžetima sanirati nastale štete.

Bitno je napomenuti još da se Općina Maglaj već obratila većem broju domaćih i međunarodnih institucija i organizacija za pomoć pri saniranju nastalih šteta.

U prilogu informacije se nalazi i Preliminirani izvještaj o procjenjenim štetama na području općine Maglaj.



NAČELNIK OPĆINE
Mirsad Mahmutagić

PRELIMINARNA PROCJENA ŠTETE ZA OPĆINU
ZA TRAŽENJE POMOĆI ZA HITNE INTERVENCIJE






Naziv općine MAGLAJ

Redni broj	PRELIMINARNA PROCJENA ŠTETE			
1.	2.			
1.	Vrsta prirodne ili druge nesreće, dan, mjesec, i godina nastanka	„poplave i klizišta“, 13.05.2019.		
2.	Ugroženo područje	Naseljena mjesta, mjesne zajednice i drugo	Kopice, Čobe, Domislica, Novi Šeher, Liješnica, Ulišnjak, Donji Rakovac i Kosova	
		Veličina ugroženog područja u ha	50,00	
3.	Stanovništvo	Umrli/poginuli	-	
		Ranjeni/oboljeli	-	
		Evakuirani	10	
4.	Preliminarna šteta (prva vizuelna procjena štete na ugroženom području)	Stambene zgrade	Broj porušenih	-
			Iznos štete u KM	-
			Broj oštećenih	83
			Iznos štete u KM	1.700.000,00
		Vrsta štete na zemljištu i zasadima	Površina u ha	27,00
			Iznos štete u KM	200.000,00
			Iznos štete u KM	200.000,00
		Stočni fond	Uginulo	55
			Iznos štete u KM	3.000,00
			Oboljelo	-
			Iznos štete u KM	-
		Ostale štete	Javni objekti	60.000,00
			Lokalni putevi	1.100.000,00
Pomoćni objekti	55.000,00			
Poslovni objekti	95.000,00			
Pravni subjekti	50.000,00			
UKUPNO (KM)			3.260.000,00	

Napomena: U rubrici „Ostale štete“ mogu se dati podaci o drugim štetama koje su važne za život ljudi na ugroženom području kao što su putne komunikacije, mostovi, infrastruktura i sl.

Datum: 22.05.2019. godine

Općinska komisija za procjenu štete

1. 
 2. 
 3. 
 4. 
 5. 
 6. 